



## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

Concilivm Neapolitanvm In Samaria Avctoritate Gvaremndi  
Hierosolymitani patriarchae ad reformatos mores ecclesiae celebratum,  
in praesentia Balduini Hierosolymorum regis, anno Domini MCXX. tempore

...

**urn:nbn:de:hbz:466:1-15588**

num tamen exhibuerit, vbi & colloquio suo domini papæ legatis conceesso, tandem inducias denuo quæferit, propter generale colloquium cum principibus habendum, pro inuestituris scilicet ecclesiasticis, quas tantopere cogebatur amittere, ad ultimum vero idem apostolicus inacta inter se & regem concordia, synodalia prædecessorum decreta confirmauerit, alia que nonnulla, que res exigebat, nauiter addiderit: siveque post dies fere duodecim, in virtute Spiritus sancti rite finito Concilio, cunctos apostolica benedictione confirmatos ad propria redire permisit, unumquemque cum gaudio. Et quamquam Vilpergensis 426. & Pandulphus in vita Callisti cum Onuphrio 997. episcopos & abbates, atque ideo mille circiter prælatos Concilio oecumenico interfuisse scribant, ego tamen potius acquiescendum esse putauit testimonio Sugerii abbatis, cum ille huic Concilio interfuerit, ideoque res his temporibus gestas melius cognouisse & descripsiisse presumatur.

CONCILIVM NEAPOLITANVM  
IN SAMARIA AVCTORITATE GVAREMVNDI  
Hierosolymitani patriarchæ ad reformandos mores ecclesiæ celebratum, in præsentia Balduini Hierosolymorum regis, anno Domini mcxx. tempore Callisti papæ II.

NOTA.

Acta Con-  
cili quæ?

<sup>a</sup> Concilium. ] Causam vna cum actis Concilii Tyrius libro 12. belli sacri cap. 13. his verbis summatim describit: Eodem anno, qui erat ab incarnatione Domini millesimus centesimus vicesimus, cum peccatis nostris exigentibus regnum Hierosolymorum multis vexationibus fatigaretur, & præter eas que ab hostiis inferebantur molestias, locustarum intemperie & edacibus muribus iam quasi quadriennio continuo fruges ita penitus deperissent, ut omne firmamentum panis desiccisse videretur, dominus Guaremundus Hierosolymorum patriarcha, vir religiosus ac timens Deum, vna cum domino rege Balduino, prælatis quoque ecclesiistarum & regni principibus, apud Neapolim urbem Samaria conuenientes, Conuentum publicum & curiam generalem ordinauerunt. Vbi sermone ad populum habito, exhortationis gratia, cum apud omnes constare videretur quod populi peccata Dominum prouocasset, de communi statuunt consilio errata corrigere, & excessus redigere in modum, ut tandem ad frugem melioris vita redeuntes, & pro commissis condigne satisfacientes, eum sibi redderent placabilem, qui peccatoris non vult mortem, sed magis ut conuertatur & vinat. Deterriti ergo de celo signis minacibus, & terra motu frequenti, clade quoque simul & famis angustia, & hostium proterua nimis & pene quotidiana instantia, per opera pietatis Dominum sibi reconciliare querentes, ad morum erigendam conservandamque disciplinam, vigintiquinque capitula, quasi vim legis obtinentia,

ANNO CHRISTI 1120. tineantia, de communi sanxerunt arbitrio. Quae si quis legendi studio videre querit, in multarum archiuis ecclesiarum ea facile reperire potest. Interfuerunt autem huic Concilio dominus Guaremundus Hierosolymorum patriarcha, dominus Balduinus Hierosolymorum ex Latinis rex secundus, Ebremarus Cesaricensis archiepiscopus, Bernardus Nazarenus episcopus, Rogerius Lindensis episcopus, Asquillus Bethlemitanus episcopus, Gildonus electus abbas sancte Marie de valle Iosaphat, Petrus abbas de monte Thabor, Achardus prior montis Sion, Gerardus prior sepulcri domini, Paganus regis cancellarius, Eustachius Graniers, Vilelmus de Buris, Barisanus Ioppe constabularius, Balduinus de Rames, & alii multi utriusque ordinis, quorum numerum vel nomina non tenemus. Hanc Synodum, ait Baronius anno 1120. prope finem, tanta morum correctio consecuta est, ut per Dei misericordiam anno sequente 1121. Turcarum princeps aduersus Antiochiam cum magnis copiis rediens, apoplexia extinctus sit.

ANNO CHRISTI 1121. a CONCILIVM ROMANVM I.

QVO CASSINENSIS MONASTERII ABBAS Oderisius consecratur, eiusdemque monachi a querela episcoporum absoluuntur, anno Domini MCXXII. tempore Callisti papæ II.

NOTA.

\* Concilium. ] Res in hac Synodo gestas Romæ chronicon Cassinate commemorat lib. 4. cap. 8o. his verbis: *Mense itaque Martio, preparatis que erant necessaria itineri, Romam, ut sibi a pontifice iniunctum fuerat, consecrandus aduenit. Ibi ab eodem papa, qui tunc forte Concilium celebrabat, honorifice consecratus, a cardinalibus Romanisque nobilibus in magna est gloria habitus. In hac Synodo episcopi aduersus monachos inuidia inflammati coperunt dicere, nil superesse aliud, nisi ut sublati virgis & annulis monachis deferrirent. Illos enim ecclesiastis, vilas, castra, decimationes, viuorum & mortuorum oblationes detinere. Conuersique ad pontificem, Decidit, aiebant, pudor, canonicorum honestas oblitterata est, clericorum religio corruit, dum monachi contempto celesti desiderio iura episcoporum insatiabiliter ambiant, & omnes que sua sunt querunt: & qui mundum cum suis concupiscentiis reliquerant, his quem mundi sunt inhibare non desinunt: & quibus per beatum Benedictum ultro quiescendi locus offertur, ad episcoporum iura rapienda die nocte que occupantur. Et cum varia ingenis hincinde essent prolate sententiae, tandem ex iussione abbatis unus ex nostris surgens in medium, dixit: Congregati sunt inimici nostri, & gloriantur in virtute sua. Sed tu Deus noster contere virtutem illorum, ut cognoscant quia non est alius qui pugnet pro nobis, nisi tu Deus noster. Nam quid acturi sint fratres Cassini degentes, qui die nocte que omnipotens Dei clementiam pro totius mundi salute implorare & exorare non desinunt, si concessiones Romanorum Concil. Tom. 27.*

G

Qui Concilio interfuerunt?